

**-SAVJET ZA RODNU RAVNOPRAVNOST-**

Broj: 0101-6510-1/24

Sarajevo, 15. 05. 2024. godine

Z A P I S N I K
SA 5. SJEDNICE SAVJETA ZA RODNU RAVNOPRAVNOST
UNIVERZITETA U SARAJEVU ODRŽANE 15. 05. 2024. GODINE

Prisutne/i: prof. dr. Amila Ždralović, predsjednica, dr. sc. Gaj Trifković, zamjenik predsjednice, prof. dr. Jasna Kovačević, prof. dr. Zilka Spahić-Šiljak, prof. dr. Dženita Hadžijunuzović-Alagić, doc. dr. Belma Memić, dr. sc. Maida Hadžić Omanović i red. prof. Ermin Bravo, članice/ovi.

Odsutna: prof. dr. Ajla Demiragić, članica (opravdano).

Sjednica je počela u 13:00 sati.

Sjednicom je predsjedavala prof. dr. Amila Ždralović, predsjednica Savjeta na čiji je prijedlog jednoglasno usvojen slijedeći

D N E V N I R E D:

1. Zapisnik sa 4. sjednice Savjeta za rodnu ravnopravnost Univerziteta u Sarajevu održane 02. 02. 2024. godine
2. Smjernice za uključivanje rodne dimenzije u istraživanja
3. Obrazac za dobivanje mišljenja Savjeta za rodnu ravnopravnost o urođnjavanju istraživanja/projekta
4. Interna analiza spolne strukture zaposlenika/ca Univerziteta u Sarajevu koji su dobitnici/e programa mobilnosti
5. Odluke dekana/dekanica o imenovanju savjetnica/savjetnika
6. **Informacije:**
 - a. Informacija o predavanjima na Univerzitetu u Sarajevu – Veterinarskom fakultetu
 - b. Informacija o distribuciji linka za novi Akcioni plan za rodnu ravnopravnost Univerziteta u Sarajevu 2024-2026.
 - c. Informacija o Inicijativi UNIGERC-a za poboljšanje higijenskih uvjeta i besplatnih menstrualnih proizvoda za studentice na Univerzitetu u Sarajevu

7. Tekuća pitanja.

T O K S J E D N I C E

Ad-1.

Zapisnik sa 4. sjednice Savjeta za rodnu ravnopravnost Univerziteta u Sarajevu održane 02. 02. 2024. godine, jednoglasno je usvojen.

Ad-2.

Smjernice za uključivanje rodne dimenzije u istraživanja:

U vezi sa ponuđenim tekstom Smjernica, zaključeno je da se eventualne dopune i/ili korekcije dostave putem e-maila do ponedjeljka 3. juna 2024. godine do 15:00 sati. Nakon okončanja navedenih aktivnosti prijedlog teksta Smjernica za uključivanje rodne dimenzije u istraživanja će se uputiti Senatu Univerziteta u Sarajevu na razmatranje i odlučivanje.

Ad-3.

Obrazac za dobivanje mišljenja Savjeta za rodnu ravnopravnost o urođnjavanju istraživanja/projekta:

Prof. dr. Amila Ždralović je informirala članice i članove Savjeta da je na 4 sjednici Savjeta održanoj 2. februara 2024. godine dogovorena opća struktura predmetnog Obrasca. Shodno dostavljenim komentarima i sugestijama Obrazac je korigovan u dijelu koji se tiče starosne dobi. Zaključeno je da se eventualne dodatne dopune/sugestije/komentari dostave putem e-maila do ponedjeljka 3. juna 2024. godine do 15:00 sati. Nakon okončanja navedenih aktivnosti Obrazac za dobivanje mišljenja Savjeta za rodnu ravnopravnost o urođnjavanju istraživanja/projekta će se uputiti Senatu Univerziteta u Sarajevu na razmatranje i odlučivanje.

Ad-4.

Interna analiza spolne strukture zaposlenika/ca Univerziteta u Sarajevu koji su dobitnici/e programa mobilnosti (stipendije, treninzi i stručna usavršavanja):

Prof. dr. Amila Ždralović podsjetila je članice i članove Savjeta da je predmetna Interna analiza razmatrana i na prethodnoj sjednici Savjeta na kojoj je zaključeno da je Analizu potrebno dopuniti sa podacima o članicama Univerziteta u Sarajevu (fakultetima/akademijama/institutima) sa kojih su zaposlenici/ce koristili/e mobilnost u referentnom periodu. Prof. Ždralović je također istakla da je u međuvremenu prorektorica prof. dr. Enita Nakaš dostavila dopunjenu Analizu.

Nakon kraće diskusije, konstatovano je da je potrebno Senatu Univerziteta uputiti prijedlog preporuka u pogledu prikupljanja podataka za naredni period. S tim u vezi je zaključeno da se eventualne dopune/sugestije/komentari na ponuđene Preporuke dostave putem e-maila do ponedjeljka 3. juna 2024. godine do 15:00 sati. Nakon okončanja navedenih aktivnosti prijedlog Preporuka za prikupljanje podataka u svrhu rodne analize strukture zaposlenica i zaposlenika Univerziteta u Sarajevu koji/e su dobitnice i dobitnici programa mobilnosti na Univerzitetu u Sarajevu će se uputiti Senatu Univerziteta u Sarajevu na razmatranje i odlučivanje.

Ad-5.

Odluke dekana/dekanica o imenovanju savjetnica/savjetnika:

Prof. dr. Amila Ždralović podsjetila je članice i članove Savjeta da je na sjednici Savjeta održanoj 2. februara 2024. godine, razmatran pregled imenovanih savjetnica/savjetnika za prevenciju seksualnog i rodno zasnovanog uznemiravanja na članicama Univerziteta u Sarajevu. Na održanoj sjednici je zaključeno da se članicama koje nisu dostavile odluke dekana/dekanica o imenovanju savjetnica/savjetnika uputi urgencija za dostavu istih zaključno sa 19. februarom 2024. godine. S obzirom da određeni broj članica do ovog trenutka nisu dostavile odluke o imenovanju, zaključeno je da se putem prorektorice za kvalitet prof. dr. Dušanke Bošković uputi urgencija fakultetima/akademiji koji nisu dostavili odluke o imenovanju savjetnica/savjetnika (Fakultet islamskih nauka, Fakultet zdravstvenih studija, Mašinski fakultet, Muzička akademija, Stomatološki fakultet sa stomatološkim kliničkim centrom i Fakultet za upravu – pridružena članica Univerziteta u Sarajevu), kako bi se u narednom periodu mogla planirati organizacija i realizacija sastanka/edukcije sa imenovanim savjetnicama i savjetnicima.

Ad-6.

Informacije:

- a. Članice i članovi Savjeta su informirani o uspješno realiziranim predavanjima na Univerzitetu u Sarajevu - Veterinarskom fakultetu 21. i 29. 03. 2024. godine, na kojima su obrađene slijedeće teme: *Društveno oblikovanje spola i roda i Rodno zasnovano nasilje na univerzitetima.*
- b. Prof. dr Amila Ždralović je podsjetila članice i članove Savjeta da je na web stranici Univerziteta izrađena podsekcija Savjeta na kojoj je objavljen Akcioni plan za rodnu ravnopravnost Univerziteta u Sarajevu 2024-2026. (bosanska i engleska verzija), verificirani zapisnici sa sjednica Savjeta kao i druge aktuelnosti iz domena rada Savjeta.
- c. Članice i članovi Savjeta su informirani o Inicijativi UNIGERC-a za poboljšanje higijenskih uvjeta i besplatnih menstrualnih proizvoda za studentice na Univerzitetu u Sarajevu.

Sjednica je završena u 15:00 sati

PREDSJEDNICA SAVJETA

Prof. dr. Amila Ždralović

Za Zapisnik:

Alma Voloder-Madacki, dipl. iur.